



REPUBLIKA E SHQIPËRISË
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 11 Shkurt 2022

Nr: 67

V E N D I M

P Ë R

**REGJISTRIMIN E KANDIDATIT PËR KRYETAR NË BASHKINË SHKODËR TË
PROPOZUAR NGA KOALICIONI “SHTËPIA E LIRISË” (SH-L), Z. BARDH ALI SPAHIA
PËR ZGJEDHJET E PJESSHME VENDORE PËR KRYETAR BASHKIE TË DATËS 6 MARS
2022**

Në mbështetje të Dekretit të Presidentit të Republikës nr. 13 438, datë 20.01.2022 “Për caktimin e datës së zgjedhjeve të pjesshme vendore për kryetar bashkie për disa njësi të qeverisjes vendore”, të nenit 19, pikat 1, shkronja “n” e 2, nenit 67, pika 2, nenit 72, nenit 73, nenit 165, pika 3, të ligjit nr. 10019, datë 29.12.2008 “Kodi Zgjedhor i Republikës së Shqipërisë” të ndryshuar, nenit 5, pika 4, shkronja “a” të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Kreu V, të vendimit të Kuvendit nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, të udhëzimit nr. 01, datë 23.12.2020, të Komisionerit Shtetëror të Zgjedhjeve, “Për përcaktimin e rregullave për depozitimin e verifikimin e dokumentacionit të kandidimit, afatet për publikimin e listave të kandidatëve dhe miratimin e modeleve të kandidimit” si dhe të vendimi nr. 2, datë 22.1.2022 “Për miratimin e disa afateve procedurale që lidhen me zgjedhjet e pjesshme për kryetar në bashkitë Shkodër, Dibër, Durrës, Vorë, Rrogozhinë dhe Lushnjë, që do të zhvillohen më datë 6 Mars 2022”, pasi shqyrtoi dokumentacionin e depozituar për regjistrimin e kandidatit për kryetar bashkie për zgjedhjet e pjesshme vendore që do të zhvillohen në datën 6 Mars 2022, Komisioneri Shtetëror i Zgjedhjeve



Data: 11 Shkurt 2022

Nr. 67

“Për regjistrimin e kandidatit për kryetar në bashkinë Shkodër të propozuar nga Koalicioni “Shtëpia e Lirisë” (SH-L), z. Bardh Ali Spahia për zgjedhjet e pjesshme vendore për kryetar bashkie të datës 6 Mars 2022”

V Ë R E N:

Presidenti i Republikës, me Dekretin nr. 13 438, datë 20.01.2022, ka caktuar datën 6 Mars 2022, për zhvillimin e zgjedhjeve të pjesshme për kryetar bashkie në Bashkinë Shkodër, Bashkinë Dibër, Bashkinë Durrës, Bashkinë Vorë, Bashkinë Rrogozhinë dhe Bashkinë Lushnjë.

Komisioneri Shtetëror i Zgjedhjeve me vendimin nr. 46, datë 4.2.2022, “Për shqyrtimin e kërkesës për regjistrimin e Koalicionit “Shtëpia e Lirisë”, (SH-L) për zgjedhjet e pjesshme vendore për kryetar bashkie të datës 6 Mars 2022”, ka regjistruar si subjekt zgjedhor pjesëmarrës në zgjedhjet e pjesshme vendore për kryetar bashkie të datës 6 Mars 2022, koalicionin e partive politike “Lëvizja Socialiste për Integrim” dhe “Partia Demokristiane e Shqipërisë”. Partia udhëheqëse e koalicionit është “Lëvizja Socialiste për Integrim”.

Në zbatim të pikës 2, të vendimit nr. 2, datë 22.1.2022 “Për miratimin e disa afateve procedurale që lidhen me zgjedhjet e pjesshme për kryetar në bashkitë Shkodër, Dibër, Durrës, Vorë, Rrogozhinë dhe Lushnjë, që do të zhvillohen më datë 6 Mars 2022”, koalicioni “Shtëpia e Lirisë” ka depozituar në KQZ kërkesën për regjistrimin e z. Bardh Ali Spahia, si kandidat për kryetar në bashkinë Shkodër.

Në bazë të nenit 67, pika 2, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, Komisioni Qendror i Zgjedhjeve regjistron kandidatët për kryetar në bashkinë Shkodër, pasi bashkia Shkodër, nuk administrohet nga një KZAZ e vetme.

Bashkëlidhur kërkesës është depozituar dhe dokumentacioni përkatës si më poshtë listuar:

1. Kërkesë e partisë politike, për regjistrimin e kandidat për kryetar, në bashkinë Shkodër.
2. Kopje të dokumentit të identifikimit të kandidatit për kryetar bashkie.
3. Deklarimi i llogarisë bankare të posaçme të kandidatit, sipas Model 03/1 të Udhëzimit.
4. Deklarata e kandidatit ku deklarohen të gjitha elementet e përcaktuara në shkronjat “b” e “c”, të nenit 72, të Kodit Zgjedhor, sipas Model 05.
5. 3 (tre) vërtetime të Kuvendit të Republikës, nëpërmjet së cilave vërtetohet zotërimi i mandateve nga deputetë të subjektit zgjedhor "Lëvizja Socialiste për Integrim".
6. Jetëshkrimi i kandidatit për kryetar bashkie, sipas Model 07 të Udhëzimit.
7. Formulari i vetëdeklarimit të kandidatit për kryetar në bashkinë Shkodër, z. Bardh Ali Spahia, me nr. 15 unik, datë 9.2.2022.
8. Procesverbal i dorëzimit të dokumentave, sipas Model 08 të Udhëzimit.



Z. Bardh Ali Spahia, në përputhje me parashikimet e nenit 5, pika 4, shkronja “a” të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, ka depozituar në Komisionin Qendror të Zgjedhjeve formularin e vetëdeklarimit, si organi kompetent për administrimin, verifikimin, zbatimin e ndalimeve për zgjedhjen dhe emërimin në funksionin publik ku përfshihet dhe funksioni i kryetarit të bashkisë.

Nga verifikimi prima facie i formularit të vetëdeklarimit të kandidatit për kryetar në bashkinë Shkodër, Qarku Shkodër, z. Bardh Ali Spahia rezulton se:

- Në rubrikën III. “TË DHËNA MBI GJENDJEN GJYQËSORE TË PERSONIT”, të Formularit të Vetëdeklarimit:

Pikës 4, “A keni qënë ndonjëherë i ndaluar apo arrestuar nga organet ligjzbatuese, për kryerjen e një vepre penale?”, subjekti vetëdeklarues është përgjigjur me “Po” duke deklaruar se:

-Është proceduar nga Prokuroria Shkodër, pranë Gjykatës së Shkallës së Parë Shkodër, për veprën penale të parashikuar nga neni 242, 236/2, dhe 151 të Kodit Penal, për të cilën në datën 19.07.2020 është vendosur pushim procedimi penal nr. 943 viti 2019.

Pikës 5, “A është caktuar ndaj jush ndonjëherë masë shtrënguese e sigurisë personale, në fuqi ose jo?”, subjekti vetëdeklarues është përgjigjur me “Po” duke deklaruar se:

-Është caktuar ndaj tij masa arrest shtëpie, si dhe detyrim për tu paraqitur në Policinë Gjyqësore dhënë nga Gjykata e Shkallës së Parë Shkodër, për veprën penale të parashikuar nga neni 242, 236.2, 151 i Kodit Penal, “mosbindje të urdhërit të Policisë” për të cilën në datën 19.07.2020-09.11.2020 është vendosur pushim i çështjes.

Komisioni Qendror i Zgjedhjeve, në zbatim të ligjit, nr. 138/2015 dhe Kreut V, pika 2, shkronja “b” dhe pika 3, shkronja “c”, të vendimit nr. 17/2016 të Kuvendit, me shkresën nr. 677 prot., datë 10.02.2022 ka kërkuar informacion nga zyra e gjendjes civile dhe me shkresën nr.676 prot., datë 10.02.2022 ka kërkuar informacion nga zyra e gjendjes gjyqësore për kandidatin për kryetar bashkie në bashkinë Shkodër, Qarku Shkodër, që ka dorëzuar formularin e vetëdeklarimit në Komisionin Qendror të Zgjedhjeve, si dhe ka bërë publikimin e formularit të vetëdeklarimit në faqen zyrtare të internetit.

Drejtoria e Përgjithshme e Gjendjes Civile, nuk i ka kthyer ende përgjigje kërkesës sonë për verifikimin e të dhënave për kandidatin për kryetar në bashkinë Shkodër, Qarku Shkodër, z. Bardh Ali Spahia.



Drejtoria e Përgjithshme e Gjendjes Gjyqësore, me shkresën nr. 1490/1 prot., datë 10.02.2022, ka dërguar në Komisionin Qendror të Zgjedhjeve, verifikimin e gjendjes gjyqësore për kandidatin për kryetar në bashkinë Shkodër, Qarku Shkodër, z. Bardh Ali Spahia, i cili rezulton se nuk ka të regjistruar dënim penal të formës së prerë, është i padënuar.

Referuar ligjit, nr. 138/2015 dhe Kreut V, të vendimit nr. 17/2016, të Kuvendit, të dhënat e deklaruara në formularin e vetëdeklarimit dhe informacionit të ardhur nga Drejtoria e Përgjithshme e Gjendjes Gjyqësore, për kandidatin për kryetar në bashkinë Shkodër, Qarku Shkodër, z. Bardh Ali Spahia, nuk përbëjnë kusht për mosregjistrimin e kandidatit, për zgjedhjet e pjesshme vendore për kryetar bashkie të datës 6 Mars 2022.

Komisioni Qendror i Zgjedhjeve, bazuar në nenin 73, pika 1, të Kodit Zgjedhor, në mbledhjen e datës 11.2.2022, verifikoi dokumentacionin e kandidatit për kryetar në bashkinë Shkodër, të depozituar nga koalicioni “Shtëpia e Lirisë” (SH-L) dhe konstatoi se ishte në përputhje me kërkesat e parashikuara në nenin 67, pika 2, nenin 72, 165, pika 3 dhe 173 të Kodit Zgjedhor.

PËR KËTO ARSYE:

Bazuar në nenet 19, pikat 1, shkronja “n” e 2, nenit 67, pika 2, nenit 72, nenit 73, nenit 165, pika 3, të ligjit nr. 10019, datë 29.12.2008 “Kodi Zgjedhor i Republikës së Shqipërisë” të ndryshuar, nenit 5, pika 4, shkronja “a” të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, Kreu V, të vendimit të Kuvendit nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, të udhëzimit nr. 01, datë 23.12.2020, të Komisionerit Shtetëror të Zgjedhjeve, “Për përcaktimin e rregullave për depozitimin e verifikimin e dokumentacionit të kandidimit, afatet për publikimin e listave të kandidatëve dhe miratimin e modeleve të kandidimit” si dhe të vendimi nr. 2, datë 22.1.2022 “Për miratimin e disa afateve procedurale që lidhen me zgjedhjet e pjesshme për kryetar në bashkitë Shkodër, Dibër, Durrës, Vorë, Rrogozhinë dhe Lushnjë, që do të zhvillohen më datë 6 Mars 2022”,



VENDOSI:

1. Të regjistrojë si kandidat për kryetar në bashkinë Shkodër, për zgjedhjet e pjesshme vendore për kryetar bashkie të datës 6 Mars 2022, z. Bardh Ali Spahia të propozuar nga koalicioni “Shtëpia e Lirisë” (SH-L).
2. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim brenda 24 (njëzet e katër) orëve në Komisionin e Ankimimeve dhe Sanksioneve.

Komisioneri Shtetëror i Zgjedhjeve

Ilirjan CELIBASHI

